

玉海

辭學指南

五十八

浚儀王應麟伯厚甫

宮室

觀

觀觀也周置兩觀以表宮門其上可居登之可以
遠觀故謂之觀

周兩觀

見門闕類

漢宜春觀

水經滂水逕漢宜春觀合美波入渭

東方朔傳注

二百八十四

師古曰觀在鄠縣在長安城西秦上林苑中

十道

志宜春觀武帝造

漢龍臺觀

細柳觀

司馬相如傳上林賦登龍臺掩細柳注張揖曰龍臺

觀在豐水西北近渭龍臺高三丈漢時

龍臺觀在雍州鄠郭璞曰細柳觀在昆明池南黃圖

長安西北匈奴傳軍長安西細柳注如淳曰細柳倉

在渭北近后徼張揖曰在昆明池南今有柳市文紹

隱按三輔故事細柳在直城門西京賦上林禁苑

外阿旁宮西北云在渭北非也邪界細柳注在長安西北

觀

漢豫章觀 昆明觀 又見池

西都賦集平豫章之宇注館名黃圖曰上林有豫章

觀武帝造在昆明池中亦曰昆明觀 史平準書大

脩昆明池列觀環之括地志昆明觀在雍州長安西

天文志昆明東觀 西京賦昆明靈沼云云 豫章

珍館揭焉中峙牽牛立其左織女處其右薛宗注皆

臺館也李善曰黃相羊平五柞之館旋憇乎昆明之

池登豫章簡矰紅注豫章池 西征賦昔豫章之

名字披元池而特起儀景星於天漢列牛女以雙峙

宮殿閣跡昆明池 校獵賦雄揚先置乎白楊之南注

服虔曰白楊觀名

漢甘泉四觀

司馬相如傳上林賦歷石關歷封巒過鳩鵲望露寒

注張揖曰此四觀建元中作在雲陽甘泉宮外 史

記甘泉更置前殿始廣諸宮室正義揚雄云甘泉本

秦離宮既奢秦武帝增通天臺迎風宮近則有洪涯

儲胥遠則有石關封巒鳩鵲露寒棠梨等觀又有高

華白虎温德相思觀曾城走狗天梯瑤臺等 黃圖

武帝先作迎風館於甘泉山後加露寒儲胥二館建

元中作石關封巒鳩鵲觀 揚雄甘泉賦封巒石關

施靡乎延屬師古曰待官名李善曰黃圖度三壘善

曰即封武紀注晉灼曰雲陽甘泉有宮觀故稱都

史記益延壽觀正義括地志云延壽觀在雍州雲陽縣西北八十一里通天臺西八十步

漢成山觀 日觀

魏志田豫督青州入成山登漢武之觀黃圖成山在東萊不夜縣於其上築宮闕為觀封禪儀泰山

東南有山名日觀見封禪

漢屬玉觀

宣紀甘露二年十二月行幸荊陽宮屬玉觀注晉灼

曰屬玉水鳥似鵝鵠以名觀也應劭曰宮在鄠秦昭

王起黃圖屬玉觀在右扶風西都賦天子乃登

屬玉之館歷長楊之榭注服虔曰以玉飾因名焉

漢甲觀

成紀元帝在太子宫生於甲觀畫堂甘露三年館畫

顏師古謂甲者甲乙丙丁之次元后傳言見於

丙殿此其例也而應劭以為在太子宫之甲地謬矣

畫堂但畫飾耳又以為畫九子毋非也霍光止畫室

中是則宮殿中通有采畫之堂室漢宮閣疏曰觀非

常室云太子宮有甲觀黃周
舍後官志有丙

後清河王慶傳以長別居丙

漢上蘭觀

元后傳校獵上蘭注師古曰上蘭觀名在上林中

羽獵賦揚望舒彌擊翼乎徐至於上蘭注晉灼曰在

上林西都賦鄠鄠部歷上蘭西京賦陳虎旅於

飛廉正壘陸乎上蘭注黃圖曰上林有上蘭觀

漢平樂觀

西域傳元康二年烏孫元貴靡願復尚漢公主天子

自臨平樂觀會匈奴使者外國君長大角抵設樂而

遣之奇珍習禁武以講捕禽不羈之東方朔傳有平樂觀賦後漢李充賦曰設平

之廣缺處金同之維限南切洛廣北陸倉山武紀

注應劭曰明帝永平五年至長安迎飛廉并銅馬置

上西門外名平樂觀鄧騭傳涼部畔羌搖蕩西州

安帝詔騭將兵擊之車駕幸平樂觀餞之何進傳

靈帝講武於平樂觀東京賦其西則平樂都場示

遠之觀龍雀蟠蜿天馬半漢瑰異詞詭燦爛炳煥注

平樂觀名都謂為大場於上作樂生遠觀之謂之平

樂在城西也龍雀飛廉也天馬銅馬也華嶠後漢書

曰明帝至長安迎取飛廉并銅馬且上西門平樂觀

欲立左氏穀梁會二家先師不曉圖讖故中道而廢
願陛下留意廢學以廣聖見帝嘉之令逵自選公羊
嚴顏高才生教以左氏與簡紙經傳各一通八年乃
詔諸儒各選高才生受左氏穀梁春秋古文尚書毛
詩由是四經遂行於世自漢武二年韓茂為費氏易
春秋左氏傳元立左氏
費氏春秋左氏傳元立左氏
費氏春秋左氏傳元立左氏

楊終肅宗時為校書郎言宣帝博徵羣儒論定五經

於石渠閣方今天下少事學者得成其業而章句之
徒破壞大體宜如石渠故事永為後世則於是詔諸
儒於白虎觀論攷同異焉魏應習魯詩建初四年
拜五官中郎將肅宗甚重之時會京師諸儒於白虎
觀講論五經同異使應專掌難問淳于恭奏之帝親
臨稱制如石渠故事儒林丁鴻兼射聲校尉肅宗
詔鴻與廣平王羨及諸儒樓望成封亘郁賈逵等論
定五經同異於北宮白虎觀鴻以才高論難最明諸
儒稱之帝數嗟焉時人嘆曰殿中無雙丁孝公注廣
平王羨明帝子也東觀記曰與太常樓望少府成封

也

西賦注平樂
大作樂處也

漢東觀

洛陽宮殿名南宮有東觀漢氏圖籍所在有石渠石
室延閣廣內蓄之於外府又有御史掌蘭臺祕書及
麒麟天祿二閣藏之於內禁威帝延熹二年始置祕
書監官秩六百石掌典書古今文字攷古今同異屬
太常 **紀**和帝永元十三年正月丁丑帝幸東觀覽
書於閣篇籍博延藝術之士以充其官注陸機洛陽
記曰在南宮高闕十二間介于承鳳觀 安帝永初
四年二月乙亥詔謁者劉珍及五經博士校定東觀

諸子傳記百家藝術整齊脫誤是正文字

和熹鄧

太后定策立安帝臨朝政太后自入宮掖從曹大家
受經書兼天文算數書省王政夜則誦讀而患其謬
誤懼乖典章乃博選諸儒劉珍等及博士議郎四方
掾史五十餘人詣東觀校讎傳記事畢奏御賜葛布
各有差又詔中官近臣於東觀受讀經傳以教官人
列傳曹褒章和元年召詣嘉德明令小黄門持班
固所上叔孫通漢儀勅褒今宜依禮條正使可施行
於南宮東觀盡心集作 黃香元和元年肅宗詔詣
東觀讀未見書 文苑 北海靖王興子復為臨邑侯

好學能文章永平中每有講學事輒令復典掌焉與班固賈逵共述漢史傳毅等皆宗事之復子駒駘及從兄平望侯毅並有才學永寧元年鄧太后詔毅及駒駘入東觀與謁者僕射劉珍著中與以下名臣列士傳劉珍永初中為謁者僕射鄧太后詔使與校書劉駒駘馬融及五經博士校定東觀五經諸子傳記百家藝術整齊脫誤是正文字文苑班昭曹世兄固著漢書其八表及天文志未竟而卒和帝詔昭就東觀藏書閣踵而成之列女孔僖元和二年校書東觀儒林李尤和帝時侍中賈逵薦尤有相如

揚雄之風召詣東觀受詔作賦其賦曰上承重閣下

西德陽道無送而不顯書無開而不陳覽三代而來且包郁郁之周文又東觀藝文除賈滂七門是謂東房闕內布綺跡外疎雅三除賈滂七門是謂東觀書籍林淵列侯弘雅三除賈滂拜

蘭臺令史安帝時為諫議大夫受詔與謁者僕射劉珍等俱撰漢記文苑張衡永初中謁者僕射劉珍

校書郎劉駒駘等著作東觀撰集漢記因定漢家禮儀上言請衡參論其事會並卒衡常歎息欲終成之及為侍中上疏請得專事東觀收拾遺文畢力補綴又條上司馬遷班固所叙與典籍不合者十餘事數上不聽後之著述多不詳典時又追恨之馬融永

初四年拜為校書郎中詣東觀典校祕書在東觀

年窮覽典籍 賈辛少好學有文章與馬融崔愛同

好更相推薦永初中學者稱東觀為老氏咸室道家

蓬萊山太僕鄧康薦章入東觀為校書郎老子為

守咸史復為柱下史四方所記文書皆歸柱下言東

漢經籍多也蓬萊海中神山為僊府幽經祕錄並皆

在焉 蔡倫為長樂太僕元初四年帝以經傳之文

多不正定選劉珍等詣東觀讎校漢家法令倫監典

其事官者 鄧嗣禹 永壽中與伏無忌延篤著書東

觀 崔寔 成帝時與朱穆遷詔延篤等著書東觀

邊韶拜太中大夫作東觀 張奐奏尚書章句詔

下東觀 盧植能四古今學熹平四年拜九江太守

以疾去官作尚書章句三禮解詁時始立太學石經

以正五經文字植上書願得將書生二人共詣東

觀就官財糧專心研精合尚書章句考禮記得失庶

裁定聖典刊正碑文拜議郎與諫議大夫馬日磾議

郎蔡邕楊彪韓說並在東觀校中書五經記傳補

續漢記 蔡邕拜郎中校書東觀以經籍去聖人久

遠俗儒穿鑿疑誤以學奏求正定六經靈帝許之邕

在東觀與盧植韓以等補撰後漢記會遭事以離不

及得成奏其所著十意分別首目連置章左注猶前
書十志也有律歷志一禮意二樂意三郊祀意四天
文意五車服意六以刪定者一接續者四前志所無
臣欲著者五高祖舉孝廉為郎中校書東觀因事
諷諫數奏賦頌奇心靈帝詔東觀畫彪像以勸學者
文苑陽球奏罷都文學曰今太學東觀足以宣
明聖化願罷鴻都之選以消天下之謗陳史李勝
有文才為東觀郎儒林傳孝和數幸東觀覽閱書
林初光武遷還洛陽其經牒祕書載之二千餘兩自
此以後參倍於前又董卓移都吏民擾亂自辟雍東

四十一

觀蘭臺石室宣明鴻都諸藏典策文章競法六部散其
縑帛圖書大則連為帷蓋小乃制為滕囊通典漢

東京圖書悉在東觀觀多使名儒碩學入直東觀撰述
國史謂之著作東觀蓋以化官領焉史目傳

洛陽今并城以長陸今孟真曆志注袁宏書曰劉

洪在東觀與蔡邕共述律曆記五行志注孔叢叢曰

建初元年大旱侍御史孔子豐上疏天子納其言三

日雨即降拜黃門郎典東觀事崔子玉東觀箴洋

洋東觀古之史官左書君行右記其言辛丑顧訪文

武明宣倚相見寶荆國以安云云史臣司藝吳華

觀

覈傳東觀儒林之府當講校文藝處定疑難漢時皆名學碩儒乃任其職吳有東觀今晉職官志漢東

京圖籍在東觀故使名儒著作有其名尚未有官

唐百官志後漢東觀藏書之室亦著作之所當時文學之士使校讎其中故有校書之職隋經籍志漢

中興於東觀及仁壽閣集新書東觀記一百四十三

卷起光武記注至靈帝長水校尉劉珍等撰唐藝

文志正史類劉珍等東觀記一百二一作三本十六卷又

錄一卷中興書目東觀漢記八卷案隋志百四十

三卷唐吳兢家藏已亡十六卷今所存只鄧禹吳漢

賈復耿弇寇恂馮異祭遵蓋延八傳漢記按史通云

白建武至永初後伏無忌邊韶崔寔繼作百四晉

十篇魏曰漢記嘉平中馬日碑蔡邕等續修之晉

華嶠曰劉向父子世典史籍馬融博通三入東觀

唐劉知幾曰古之國史皆出一家未聞藉功于衆唯

漢東觀集羣儒纂集無主條章不建漢白虎觀白虎通德論

章紀建初四年十一月壬戌詔曰三代導人教學為

本漢承暴秦褒顯儒術建立五經為置博士其後學

者精進雖曰承師亦別名家孝宣皇帝以為去聖久

遠學不厭博故遂立大小夏侯尚書後又立京氏易

觀

至建武中復置顏氏安嚴氏臧春秋大小戴禮博士
此皆所以扶進微學尊廣道藝也中元元年詔書五
經章句繁多議欲減省至永平元年長水校尉儵儵
奏言先帝大業當以時施行欲使諸儒共正經義頗
令學者得以自助孔子曰學之不講是吾憂也又曰
博學而篤志切問而近思仁在其中矣於戲其勉之
哉於是下太常將大夫博士議郎郎官及諸生諸儒
會白虎觀而都之名殿杜欽谷文公地對六講論五
經同異使五官中郎將魏應承制問侍中淳于恭恭
奏帝親稱制臨決如孝宣甘露石渠故事作白虎

議奏今虎通則揚終公到則橫望李育古文左氏則

賈連儒林傳建初中大會諸儒於白虎詳考同異連

月乃罷肅宗親臨顧命史臣著為通義又詔高才生
受古文尚書毛詩穀梁左氏春秋聊白虎列傳賈

連拜為郎與班固並校秘書應對左右肅宗立降意

儒術特好古文尚書左氏傳建初五年詔遠入講北

宮白虎觀南宮雲臺使發出左氏傳大義長於二傳

者連於是條奏之曰臣謹摛出左氏三十事尤著明

者皆君臣之正義父子之紀綱至如蔡仲紀季伍子

胥叔術之屬左氏義深於君父公羊多任權變先武

屯騎校尉巨郁衛士今賈逵等集議也白虎門名於門立觀因以名之焉李育為博士建初四年詔與

諸儒論五經於白虎觀育以公羊義難賈逵皆有理

證號為通儒儒林魯恭習魯詩肅宗會諸儒白虎

觀特以經明得召與曠預其議班固為元武司馬

天子會諸儒講論五經作白虎通德論令固撰集其

事書凡十卷四十四門爵號禮樂巡狩情性衣裳三

綱六紀五刑三軍之事悉備廣平王羨博涉經書

有威嚴建初四年與諸儒講論於白虎殿清河王

慶永元四年帝移幸北宮章德殿講白虎觀慶得入

省宿止蔡邕封事孝宣會諸儒於石渠章帝集學

士於白虎鄧后紀

明紀永平三年起北宮八年十月北宮成

有北宮增喜觀

漢聽訟觀

晉刑法志光武中興留心庶獄常臨聽獄訟躬決疑

事明帝即位常臨聽訟觀錄洛陽諸獄帝性既明察

能得下姦故尚書奏決近於煩碎

漢長樂觀

高彪傳靈帝時京兆第五永為督軍御史使督幽州

百官大會祖餞于長樂觀議郎蔡邕等皆賦詩彪獨作箴

鼎中觀

陸機洛陽地記洛陽南宮有承風觀北宮有增喜觀城外有宣陽觀千秋鴻地泉城揚威石樓等觀城外有鼎中觀輿地志洛陽西南洛水上有鼎中觀是成王定鼎處後漢有承祿觀清河王慶居之

魏聽訟觀

魏志明帝大和三年十月改平望觀為聽訟觀帝常言獄者天下之性命每斷大獄常幸觀臨聽之又置

律博士

水經自天淵池東出華林園逕聽訟觀南

觀西北接華林隸簿

魏總章觀 崇文觀

魏志明帝青龍三年三月大治洛陽宮築總章觀高十餘丈建翔鳳於上四年四月置崇文觀召善屬文者充之王肅領祕書監兼崇文觀祭酒荀勗檢

校大樂總章鼓吹八音

洛陽宮殿簿總章觀閣十

三間王元長曲水詩序協律總章之司厚倫正俗

崇文成均之職導德齊禮

文選景福殿賦碣以高唐崇觀表以建城峻廬注二

觀名 輿地志洛陽有廣望閣風臨商觀

夏侯惠

景福殿賦高樓承雲列觀若浮

魏凌霄觀

魏志明帝作凌霄觀

華延備洛陽記洛陽城十八

觀 洛中記有昌都觀東北有百尺樓魏都水使者

陳熙造

魏紀勳觀

五代史魏賞彭陽之功別創紀勳之觀齊旌泗水之

績乃崇嘉德之樓

晉聽訟觀 後魏東明觀

二十九

武帝紀泰始四年十二月庚寅臨聽訟觀錄囚徒親

平決焉五年春正月景申帝臨聽訟觀錄囚徒多所

原遣十年六月癸巳臨聽訟觀錄囚徒多所原遣

元帝紀大興元年十一月庚申新作聽訟觀 陸機

洛陽地記宮中有臨高陵雲宣曲廣望閣風萬世脩

齡總章聽訟凡九觀皆高十六七丈雲母窻日曜之

有光 後魏史太和十五年五月於東明觀 太和四年

改折疑獄

符堅置聽訟觀於未央之南 宋延賢堂聽訟 見堂類

晉宣武觀

武帝紀秦始皇九年十一月丁酉臨宣武觀大閱諸軍
甲辰乃罷十年十一月庚午帝臨宣武觀大閱諸軍
咸寧元年十一月癸亥大閱於宣武觀三年冬十一
月景戌帝臨宣武觀大閱太康四年十二月庚午大
閱于宣武觀一本此五年閏六月又閏宣武觀前後五
非當致禮志武帝泰始四年九月成寧元年大康
四年十一月皆自臨宣武觀十一月大閱于宣武觀
濟傳武帝常講武于宣武塲濟時有疾詔乘步輦從
因與盧欽論用兵之本以為不宜去州郡武備時咸
以濟不學孫吳而闇與之合帝曰天下名言也而不能

禮志元帝大興四年

禮志元帝大興四年詔左右衛及諸營教習依

大習儀作鴈羽仗水經注其一水自大夏門東逕

宣武觀宋紀文帝元嘉五年正月甲申臨元武館

閱武陳紀宣帝大建十一年八月丁卯幸大壯觀

閱武

吳有白爵觀蜀李輔討破羌虜築平羌觀于秦亭

宋通天觀

建康宮闕薄通天觀在縣東北五里一百步舊臺城

內宋元嘉中築二十三年更修廣之造景陽樓大壯

觀又立鳳光殿醴泉堂建業宮有迎風觀宋大明中

起

宋摠明觀 東觀

南史明帝泰始六年九月戊寅立摠明觀及學士以

充之置東觀祭酒訪舉各一人學士二十人分為儒

道文史陰陽五部學言陰陽者遂無其人以國學廢初置摠明

醜一人祭王儉傳明帝置摠明觀以集學士或謂之

東觀置東觀祭酒一人摠明訪舉郎一人儒元文史

四科科置學士十人令史以下各有差齊紀永明

三年五月乙未省摠明觀建元中掌治五禮傳

王謚領東觀祭酒即明帝所置摠明觀也虞愿領

司馬憲特詔東觀為學士

東觀祭酒 齊武帝築商風觀 梁立曾城觀更起重閣

後周崇文觀 通道觀

北史明皇尚學藝內有崇文之觀外重成均之職握

素懷鈔重席解頤之士問出於朝廷負冠方領執經

負笈之士著錄於京邑武帝紀建德三年六月戊

午立通道觀

唐宗聖觀

元和志樓觀在蓋屋縣東三十二里本周康王大夫

尹喜宅也穆王為召幽逸之人置為道士相承至秦

觀

漢旨有道士居之。晉惠帝時，重置其地。舊有尹先生樓，因名樓觀。武德初，改名宗聖觀。事具樓觀本記及先師傳。

紀武德七年十月丙子，謁樓觀老子祠。

唐明義觀

見大明宮

唐兩觀

百官志：御史大夫正百官，班序遲明，列於兩觀。禮閣人疏，魯有三門，雉門有兩觀，為中門。天子五門，雉門亦為中門，有兩觀。顏真卿象魏賦：濬重門於北極，聳雙闕以南敞。

唐明堂四門八觀

會要：永徽二年七月，詳定明堂門闕制度。三年六月二十八日，有司奏：方垣四門，去堂步數，准太廟南門，仍立四門八觀，依太廟別各安三門。施元闕四角，造二重魏闕，後以制度未定而止。

唐紫雲觀

舊紀：乾封元年正月丁丑，兗州置紫雲僊鶴萬歲三觀，封巒，非煙，重輪三寺。

唐望僊觀

武宗紀：會昌三年夏，通鑑作望僊觀于禁中。

元稹集云玉晨觀在紫宸殿後

祥符元符觀

元年正月戊辰改左承天門為右承天祥符門以天書降故也上梁日車駕親臨以御製大中祥符頌刻石門側七年十二月己未庚一作庚申詔以左承天祥符門內新建觀宜以元符為名帝自製序就善堂善堂建觀先是每歲天慶節就右承天祥符門內設幄陳供為天書道場以車駕往來喧雜後命葺皇城司廨宇為之善天製元符觀頌刻石資善堂即觀內御九年五月庚戌以御入皇城司

歷代觀名

前漢

屬玉 青相

後漢

平樂 長平

魏

高昌 廣望 總章

西晉

宣武

後魏

涼風

宣慈代

照望代

東明代

憑雲

隋

崇安

太微

宣平

紫微

飛雲

臨霄

水泰

瓊林

霞輝

含華

飛芳

相風

通真

栖霞

後周

通道

三十六國

聽訟

駟明

宣武

戲馬

鄧明

御龍

如意

凌霄

六朝

北辰

含章

乾陽

朱明

昇陽

司元

望善

威明

威懷

信明

仁風

臨滄

商飆

齊雲

通天

曾城

甲

麗日

大壯

北齊

望秋

宣風

東明

臨春

漢宮殿名長安有臨仙 渭江猶 仙人 霸昌
蘭池 平樂 九華 豫章 三草 昆明 走馬
華光 封巖 走狗 天梯 瑤臺 汜渠 相思
長平 宜春 華池 射熊 迎風 露寒
三輔黃圖武帝起鵲 神明 集靈 陽祿

府

禮注百官所居曰府又曰府治藏府聚也

周百官府 盟府

見古官名

周策府 記府

穆天子傳天子北征還癸巳至于羣玉之山即山海經

西王母所居四徹中繩容氏所守先王所謂策府注古帝

玉藏書策之府 史蒙恬傳周公旦書而藏之記府

成王觀於記府得周公旦書 晉故府不見周曰正

周祕府

文選七命云云注風俗通曰秦周常以八月輜軒使

採異代方言藏之祕府

漢兩府 四府 五府 三公府 司徒

府 司空府 太尉府

內漢官儀曰明帝欲更太尉府時公趙熹也西曹掾
鄭均以為朝廷造北宮整官寺早魃為虐民不堪命
曾無商湯六事周宣雲漢之辭今府本館陶公主第
舍負職既少自足相受熹表陳之其冬臨辟雍歷二
府光觀壯麗而太尉獨卑陋云蔡質漢儀曰司徒府
與蒼龍闕對厭於尊者不敢號府應劭曰不然丞相
舊位在長安時府有四出門隨時聽事明帝欲依之
迫於太尉司空但為東西門耳荀綽晉官表注曰漢
丞相府門無蘭不設鈴不警鼓深大廣遠無節限也
後曆志熹平四年乙卯詔書下三府與儒林明道

者詳議以羣臣會司徒府議

後傳趙典建和初

四府表薦注四府太尉司徒司空大將軍府也

虞

詡曰宜令四府九卿各辟數人注四府謂太傅太尉

司徒司空之府也

郎顛曰今選舉牧守委任三府

王堂永初中三府舉堂治劇拜巴郡守

种嵩羊

續杜撫辟太尉府

朱浮光武用明察不復委任三

府而權歸刺舉之吏浮上疏曰覆案不關三府

紀四府並命弟謚與紀齊德並行父子並著高名每

宰府辟召常同時旌命羔鴈成羣

陳球辟公府

楊震曰三府辟召宜有尚書勅

蔡邕封事臣自在

宰府

謂司徒元府

宰府孝廉士之高選

左雄上疏

滿歲宰府州郡乃得辟舉又言孝廉先詣公府副之

端門

黃瓊五府俱辟

徐璆辟公府

應奉四府

舉才堪將帥

劉陶成帝時或言改鑄大錢事下四

府羣僚陶議曰云云

應劭為車騎將軍掾中平二

年北軍中候鄒靖上言宜開幕鮮卑事下四府劾駁

之

盧植四府選才兼文武

韓韶辟司徒府尚書

選三府掾能理劇者以韶為羸長

韓融五府並辟

鍾皓辟司徒府九辟公府

黃憲辟公府徐穉

屢辟公府

董扶宰府十辟

范冉三府辟

雷義

陳重三府同時俱辟

寒朗詔三府為辟首由是辟

司徒府

袁安永平十四年三府舉能理劇

賈琮

為京兆令中平元年特勅三府精選能吏有司舉琮

為交趾刺史

范滂為太尉所辟後詔三府掾屬舉

謠言滂奏

云云

何顥辟司空府每三府會議莫不

推顥之長

鄭太三府辟不就

李雲延熹二年露

布上書移副三府

劉淑五府連辟

延篤五府並

辟

召馴董鈞辟司徒府

周澤辟大司馬府

趙孝

永平中辟太尉府

王琳辟司徒府

郝絜等連名

奏記三府薦海內高士

郭躬辟公府

南蠻傳永

和三年召公卿百官及四府掾屬問方畧大將軍從
事中郎李固駁曰宜更選刺史四府悉從固議
禮小宗伯注肆儀若今時肆司徒府也
朝士注今

司徒府有天子以下大會殿
搗人注今司徒府中有
百官朝會之殿
左傳注如今計獻詣公府卿寺疏

自漢以來三公所居謂之府九卿所居謂之寺風俗
通曰府聚也公卿收守府道德之所聚也藏府私府
財貨之所聚也寺司也庭有法度令官所上皆曰寺

唐會要魏元同上表曰漢家云云州郡積其功能然
後為五府所辟五府舉其掾屬而昇於朝三公參得

三百四十二
除授尚書奏之天子一人之身所關者衆一賢之進
其課也詳
晉紀咸康元年三月乙酉幸司徒府正時

漢祕府 書府

執文志諸子傳說皆充祕府
書序孔安悉上送官

藏之書府
書正義職方在周禮出於山巖屋壁即

藏祕府孔君為武帝博士於祕府而見焉
劉歆書

曰古文舊書多者二十餘通藏於祕府伏而未發
馬駟頌發天府之官常

漢樂府

百官表少府屬官有樂府令丞。禮樂志武帝立樂

府采詩夜誦有趙代秦楚之謳內有掖庭才人外有

上林樂府。紀宣帝本始四年正月詔樂府減樂人

使就農。王吉言宜減樂府元帝初元元年六月減樂

府負以振困乏。竟寧中少府倡優諸戲哀帝即位和

年六月罷樂府。李夫人傳上賦作詩令樂府諸音

家絃歌之。霍光傳昌邑王發樂府樂器。史記孝

惠文景無所增更於樂府習常隸舊而已。張放傳

樂府音監景武。監主樂人也樂府游徼。文選古樂府注

武帝立樂府采齊楚趙魏之聲。兩都賦序外興樂

府協律之事。注聚樂之所。大事記元狩二年夏立

樂府師古曰武帝始置樂府之名蓋起於此然惠帝

時已有樂府令夏侯寬。見志後律志京房知六律

雜試于樂府。

五行志成周宣榭所以藏樂器。晉志翼二十二星

主天之樂府。晉紀泰始元年十二月乙亥禁樂府

靡麗百戲之技。

漢莫府

列傳李廣行無部曲行陳莫府省大書大將軍令長

史封書與廣之莫府長史急責廣之莫府上簿注以

軍幕為府古字通用軍旅無常居故以帳幕言之廉頗李牧市租皆入幕府馮唐曰魏尚上功莫府

張安世為衛將軍莫府長史遷辭去之官安世問以過失趙充國中郎將印入莫府司馬中亂屯兵

霍光為大將軍燕王言光擅調益莫府校尉楊敞給事大將軍莫府為軍司馬田延年給事大將軍

軍莫府遷為長史酷吏蔡義以明經給事大將軍莫府鄭吉中西域而立莫府陳陽大將軍鳳奏

以為從事中郎莫府事壹決於湯康衡元帝初揚興說車騎將軍史高召衡置莫府與參事議朱博

為郡功曹大將軍王鳳奏請陳咸為長史咸薦蕭育朱博除莫府屬杜欽召詣大將軍莫府張放為

侍中中郎將監平樂屯兵置莫府儀比將軍凡有莫

後傳吳漢至莫府上兵簿李文為侍中鄧騭曰幕府初開欲辟天下奇偉獨行班固永平初

奏記驃騎將軍東平王蒼曰幕府新開廣延羣俊竇憲以班固傳殺置幕府典文章崔爰大將軍梁

商初開莫府首辟之漢御史府

朱博傳成帝時何武為九卿建言宜建三公官於是

以御史大夫何武為大司空。是時御史府吏舍百餘區，井水皆竭。又其府中列栢木，常有野鳥數千棲宿其上。晨去暮來，號曰朝夕鳥。鳥去不來者數月。長老異之。後二歲餘，朱博為大司空，奏高帝置御史大夫位次丞相，典正法度，以職相參，總領百官，上下相監。臨臣願盡力以御史大夫為百僚率從之。通典漢御史所居曰御史府，亦曰御史大夫寺。在大司馬門內，無塾，其門用梓板，不黻色，亦謂之憲臺。後漢謂之御史臺，蘭臺寺。漢舊儀御史大夫寺在司馬門內，門無塾，門書用梓板，不起郭邑，題曰御史大夫寺。三十七

漢宗正府

宣帝紀

云云

漢記府

監鐵論結和第四十三大夫曰：漢興以來，修好結和，親先帝廣將帥，招奮擊，以誅厥罪，功勳粲然，著於海內，藏於記府。

漢太常府

巨崇傳：崇為太常，年踰八十，乘輿嘗幸太常府，令崇坐東面，設几杖。後曆志於太常府覆校注記平議難問。

晉祕府

隋志晉世祕府所存有古文尚書經文

唐書府 內府

褚亮傳圖贊十八學士藏之書府 魏證傳作類禮

二十篇帝美其書錄實內府

唐雲韶府

志武德後置內教坊于禁中武后如意元年改曰雲

韶府以中官為使

熙寧東西府

嘉祐中孫坦請為兩府治第以便詔召神宗即位集

三十一

賢學士高貺亦言之熙寧三年九月二十六日癸丑

作東西府一本七于掖城之南凡八位總千二百楹

東府第一班五百三十六明年秋八月東西府成命

知制誥陳繹為之記畧曰國朝襲李唐故大臣不及

建第而僦居古之公卿入則相與謀於朝出則相與

謀於家今未明而入進見請決於陛席之前退而百

執事叩閣稟事吏持書奏周走閭巷終日不得與二

三大臣謀乃出聖畫親扞二府度地于闕之西南輪

廣方制房皇鈞折繪圖以聞即刊定于禁中自熙寧

三年秋七月興作 云云出則寵之淑旂綏章鈞膺之

駕入則具之列鼎蒲筵粉純之居仰而視其宮則有
攘題之龔密俯而懾其衣則有袞舄之嚴麗不如是
不足以待其人非其政不足以相天下之政元月二
十六日丁未幸新作東西府亦為三司使薛向治公
廡十月丁巳賜宴于王安石位始遷也元祐三年
四月辛巳右僕射呂公著拜司空同平章軍國事一
月三赴經筵二日一朝因至都堂議事於是建府於
東府之南啓北廡以便宰執會議三省密院條列所
當關者目曰軍國事以三公不著軍者四人紹興二
十六年正月九日建執政府三位遷入二十六日
建左右相第於都省北

元豐文昌府

唐尚書省圖

元豐五年官制初行七月新省成揭榜曰文昌府會
作六月十九日庚子成前為都省今廳在中僕丞分左
右六曹列於後東西向合三千一百間有奇崇寧
三年六月二十九日家安國上得唐都省圖六曹在
前遂遷舊七寺監更建後宰執往往賜第會要安國
唐制尚書省圖按視已有意改作詔將作監周邦
彥汴都賦其次則有文昌之府分省為三列寺為九
殊監為五左選為文右選為武曰三十房二百餘案

二十四部。黜隋之陋，更唐之故，合千司之離散，儼星羅於一字。

崇寧大晟府

崇寧初，議大樂。四年八月二十七日，賜名大晟，置府。建官府在宣德門外天街之東，隸禮部。以大司樂典樂為長，貳次曰大樂令，主簿，協律郎，工有樂正，至舞師。宣和七年十二月罷。

玉海卷第一百六十六

玉海卷第一百六十六

三十一

玉海卷第一百六十六

玉海卷第一百六十六
崇寧大晟府
崇寧初議大樂四年八月二十七日賜名大晟置府建官府在宣德門外天街之東隸禮部以大司樂典樂為長貳次曰大樂令主簿協律郎工有樂正至舞師宣和七年十二月罷

玉海卷第一百六十七

浚儀王應麟伯厚甫

宮室

院上

院者取名於周垣也

唐集賢殿書院

麗正殿書院

乾元院

光順門書院

御書院

著作院

乾

元殿四部書

集賢注記

開元十八學

士圖

待制

賜宴

賦詩

六典集賢殿書院開元十三年置

藝文志元宗命

左散騎常侍昭文館學士馬懷素為脩圖書使與右

散騎常侍崇文館學士褚誦量整比會幸東都元係開

午乃就乾元殿東序即武后時東都檢校又借民間

異本傳錄及還京師六年遷書東宮麗正殿置脩書

院於著作院一本五年幸東都六年還京其後大

明宮光順門外年十一東都明福門外年十二皆創集賢

書院學士通籍出入兩都各聚書四部以甲乙丙丁

為次列經史子集四庫其本有正有副軸帶帙籤皆

異色以別之開元九年冬幸東都時集賢院四庫書

東都於命
婦院安置

京師集賢院開元十一年分置此院大明宮光順門外院內東西八十步南北六十九步院中有仰觀臺即一行師占候之所

東都集賢院明福門外大街之西對武成宮東西四十一步南北五十八步開元十年三月始移書院於此西向開門

華清宮集賢院二十八年造在宮北橫街西羽林仗院院內東西四十八步南北五十步

興慶宮集賢院二十四年駕在東都張九齡遣魏光祿先入京造此院在和豐門橫街之南隣中書

省院東西二十三步南北三十步已上見集賢記注并會要

百官志集賢殿書院學士直學士侍讀學士修撰官掌刊緝經籍凡圖書遺逸賢才隱滯則承旨以求之

謀慮可施於時著述可行於世者考其學術以聞凡承旨撰集文章校理經籍月終則進課於內歲終則

攷最於外校書四人正字二人注開元五年乾元殿寫四部書置乾元院使有刊正官四人押院中使一

人知書官八人分掌四庫書六年乾元院更號麗正脩書院置使及檢校官會要五年十一月題為麗正殿備書院以馬懷素褚無量

為使初置院皆無量處置改脩書官為麗正學士六年

廿二八年加文學直又加脩撰校理刊正校勘官

素傳元行中知麗正院奏陸紹伯等入校十一年五

月置麗正院脩書學士光順門京西外亦置書院十二

年會要十東都明福門外亦置麗正書院十三年改

麗正脩書院為集賢殿書院五品以上為學士六品

以下為直學士宰相一人知院事常侍一人為副知

院事又置判院一人押院中使一人元宗嘗選耆儒

日一人侍讀以質史籍疑義至是置集賢院侍講學

士侍讀學士其後又增脩撰官校理官待制官留院

官知檢討官文學直之員至德二載置大學士正元

初置編錄官四年五月十一日李泌奏罷大學士八年六月十日

京罷校理置校書四人正字二人元和二年七月復

置校理復開元故事罷校書正字四年集賢御書院

學士直學士皆用五品如開元故事以學士一人年

高者判院事非登朝官者為校理餘皆罷裴詒初太

宗即位命京官五品以上更宿中書門下兩省以備

訪問永徽中命弘文館學士一人日待制于武德殿

西門文明元年詔京官五品以上清官日一人待制

于章善明福門先天末又命朝集使六品以上隨仗

待制永泰時元年三月勳臣罷節制無職事皆待制

于集賢門凡十三人職事待詔傳云大曆時勳臣無

左僕射裴冕等崔祐甫為相建議文官一品以上更

直待制其後著令正衙待制官日二人獨孤召上更

是等集賢待制以備杜南奏此五帝盛德也恐有容注

之名無聽諫之實三月書說林擢知國書待制訪異書使

張說傳說為中書令開元十三年四月五日丙辰說

因倡封禪議受詔與諸儒草儀多所裁正帝召說與

禮官學士置酒集仙殿日朕今與賢士樂于此當遂

為集賢殿舊紀四月乃下詔改麗正書院為集賢殿

書院授說學士知院事後說罷中書令以右丞相在

集賢院專脩國史十六年二月朝廷大述作多出其

手帝好文辭有所為必使視草多引天下之名士以

佐佑王化粉飾典章成一王法天子尊尚經術開館

置學士脩太宗之政皆說倡之常典集賢圖書之任

始帝欲授說大學士辭日學士本無大稱中宗崇寵

大臣乃有之臣不敢以為稱固辭乃止後宴集賢院

馬植傳云開元中麗正殿賜酒大學士張說以下

八人不知先舉者說以學士德行相先遂同舉酒

故事官重者先飲說日吾聞儒以道相高不以官闕

為先後於是引觴同飲時伏其有體中書舍人陸堅

以學士或非其人而供擬太厚無益國家議白罷之

說聞曰古帝王功成則有奢滿之失今陛下崇儒向

道躬自講論詳延豪俊則麗正乃天子禮樂之司賢集

注記殿云麗正殿在東宮正殿所費細而所益者大陸

生之言蓋未達耶帝知遂薄堅會要開元十三年

四月五日通監作四月因奏封禪儀注敕中書門下

及禮官學士等賜宴於集仙殿上曰與卿等賢才同

宴於此宜改集仙殿曰集賢殿改麗正書院為集賢

院乃下詔曰仙者捕影之流朕所不取賢者濟理之

具當務其實院內五品已上為學士六品已下為直

學士中書令張說充學士知院事散騎常侍徐堅為

副開元十三年張說都知麗正禮部侍郎賀知章中書舍

人陸堅並為學士攷功員外郎趙冬曦監察御史咸

廩業左補闕韋述李子釗陸去泰呂向拾遺毋暉大學

助教余欽四門博士趙元默校書郎孫季良並直學

士太學博士侯行果四門博士敬會真右補闕馮朝

隱並侍講學士集賢注記開元十三年三月因奏

封禪儀注敕學士等賜宴集仙殿群臣賦詩上製詩

序時預坐者宰臣源乾曜侍中張說學士徐堅至馮

朝隱等時櫻桃新熟徧賜坐上飲以醪醖清醑之酒

簾內出彩箋令群臣賦詩焉其後賀知章故老令所

為序自餘著名徐王洵質徐楚璧後名安正吳曰集賢學士又有尹愔陸堅鄭欽靈儼名稍著史
上為書請軍功詔許就集賢院未成書後
舊紀開元十三

年夏四月丁巳改集仙殿為集賢殿麗正殿書院為集賢殿書院院內五品已上為學士六品已下為直學士

十八學士張言知院徐堅為副賀知章陸堅趙冬曦

咸實業韋述李子釗陸去泰呂向母照余欽趙元默

孫季良康子元侯行果敬會真馮朝隱方顯東翰

林盛事開元中拜張說等十八人為學士於東都上

陽宮含象亭圖象寫御贊述之其朝隱五有翰林志

開元中張說等十七人寫真含象亭御製贊張說至

十贊康子元傳帝嘗製贊賜說子元命工圖其象

陸堅傳圖形禁中親製贊賀知章傳開元十三年兼

集賢學士元宗自為贊賜之他學士傳皆無聞

集賢注記張燕公等獻所賦詩上各賜贊以褒美之

敕曰得所進詩甚有佳妙風雅之道斯焉可觀並據

才能略為贊述上自於五色牋八分書之院尹鳳翔學士就

張說德重和鼎功踰濟川詞林秀色翰苑光鮮

徐堅校書天祿論經上庠英詞婉麗雄辯抑揚

賀知章禮樂之司文章之苑學優藝博才高思遠

趙冬曦白簡端嚴青史良直清詞雅韻博文彊識
康子元才識清遠言談幽祕四科文學六書仁義
侯行果洪鍾佇叩明鑑不疲理窮繫彖動中威儀
韋述職參山甫業纂元成六義述作四始飛英
敬會真名乃會真迹惟契道樞衣講習臨庭振藻
趙元默才比丘明學兼儒墨叙述燉婉講論道德
東方顥校地遊天祿門嗣滑稽三冬足用六藝斯齊
李子釗干木流慶指樹貽方諷諫遺缺啓發篇章
呂向校族茂非熊才高班馬考理篇籍抑揚風雅
母照軒墀之任諫諍之職聞詩聞禮有才有識

三九三

陸去泰才光於晉價重於張州縣斯屈文翰尤長
咸廩業郁郁高文英才博識持我刑憲是稱諒直
余欽文章兩贍才術兼美思在專經學通舊史
孫季良蓬山之秀芸閣之英雄詞卓傑雅思縱橫
十一年春於大明宮光順門外造麗正書院夏詔學
士侯行果等侍講周易莊老頻賜酒饌學士等燕飲
爲樂前後賦詩奏上凡數百首上海嘉賞院中既有
宰臣侍講屢承珍異之賜燕公詩曰東壁圖書府西
垣翰墨林誦詩聞國政講易見天心前後令趙冬曦
張九齡咸廩業韋述等爲詩序學士等賦詩編成卷

軸以進尋敕善寫真人貌學士等欲畫象書質于含
象亭屬車駕東行事竟不果上初令韋無忝殷季友
殷敷分貌張說等燕公以畫不精奏進同州僧法明
獨貌諸學士等圖成奏之上稱善今藏其本於書院
自馬懷素至韋見素知院學士及修書使前後總
十一人自盧僕至敬會真開元五年至十三年三月
麗正學士及侍講修理官前後總四十人其年四月
改院在院皆為學士承恩者十六人自賀知章至竇

華開元十三年四月至天寶十四載集賢院學士直
學士三十三人自韋縮至高瞻開元十三年四月迄

天寶十五載二月集賢院脩撰校理待制及文學直

等總五十九人集賢院注記其後崔顥公

會要正元四年六月集賢院準六典有學士直學士

準集賢注記有校理待制留院入院侍講刊校修撰

修書及直院等今請五品已上為學士六品以下為

直學士最高者判院事餘並為校理從之元和二年

七月集賢院奏伏準六典集賢院置學士及校理修

撰官累聖崇儒不失此制至正元八年判院事官陳

京始奏停校理分祕書郎四員正字兩員為集賢殿

校理正字陳京行狀云在集賢殿內而刊校益理今請校書郎

正字並却歸祕書省當司請依舊置校理官庶循名實且復開元故事從之

修撰 王仲丘施敬本趙冬曦賀知章孫至良咸

真業

校理 歸崇敬鄭欽說呂向東方顯蕭穎士盧邁

徐浩馮定石洪張仲方鄭涵

校勘 王嗣琳

校書郎 范傳正丁公著韋勣厚崔郾

正字 柳宗元諸傳上見

開成元年四月集賢殿御書院請鑄印以御書為文

三百五十三

五月云大中六年正月大學士馬植論奏始著令三館

學士不避行臺造會要昭慶門內西墻至集賢院門南廊

舍三十

藝文志職官類韋述集賢注記三卷述自登書府至

學士一名氏因紀置院經始及前後總集類集賢院壁記

詩二卷雜藝術類殷毅韋無忝開元十八學士圖

列傳蔣乂父將明為集賢學士張鎰以乂為集賢編

錄後為學士德宗正元十問神策軍本末又條據甚

詳宰相曰集賢有人矣翌日制判院事李泌加集

賢殿崇文館大學士脩國史泌建言學士加大始中

宗時及張說為之固辭乃以學士知院事至崔圓復

為大學士亦引必為辭而止按崔圓在泌前傳誤

一日必奏張說懇辭大字衆稱遠禮至德二年崔圓

為相加集賢殿大學士因循我列望削去大字元和

二年大衡 韋綬為學士穆宗九日宴群臣曲江綬

請集賢學士得別會長慶三年九月 陽城求為吏隸集賢

院竊院書讀之卓行 張果元宗邀至東都舍集賢

院有詔圖形集賢院方步 姜撫開元末召至東都

舍集賢院方技 儒學傳序集賢院部分經籍乾元

殿博彙群書至六萬卷 韓文秘書御府也天子猶

以為外且遠不得朝夕視始更聚書集賢殿別置校

讎官曰學士校理常以寵丞相為大學士其他學士

皆達官校理用文學者不計秩次集賢之書盛積盡

秘書所有不能處其半

唐學士院 翰林院 北門學士

官志學士之職以文字言語備顧問出入侍從因得

參議謀納諫諍其禮尤寵北齊有文林館學士後周

而翰林院者待詔之所也唐制乘輿所在必有文辭

經學之士下至卜醫伎術之流皆直於別院以備宴

見而文書詔令則中書舍人掌之會要武德以後

召入草制時 自太宗時名儒學士時時召以草制然

召入草制時

猶夫有名號。乾封以後始號北門學士。會要北門學士以劉洎之

蘇味道元萬頃胡楚賓周思茂范履冰元宗初置翰

林待詔以張說陸堅張九齡等為之掌四方表疏批

荅應和文章既又以中書務劇文書多壅滯乃選文

學之士號翰林供奉與集賢學士分掌制詔書敕。向

尹惜首充焉又李白東方顯開元二十六年又改翰林供奉為學

士別置學士院專掌內命。會要太常少卿張增起居

賢所掌於凡拜免將相號令征伐皆用白麻其後選

用益重而禮遇益親至號為內相又以為天子私人

凡充其職者無定負自諸曹尚書下至校書郎皆得

預選入院一歲則遷知制誥未知制誥者不作文書

班次各以其官內宴則居宰相之下一品之上憲宗

時又置學士承旨唐之學士弘文集賢分隸中書門下

省而翰林學士獨無所屬。明皇常置者六人穆宗並

甫裴洎同直始草言甫除平章事制吉甫草武元衡

制禮絕之敬生於坐中明日院中使學士送至銀臺

吏候於門外會要翰林院者開元初置在銀臺門

內麟德殿霜重廊之後。又云駕在大內即在明福門內

李肇曰在銀臺門內麟德殿西南蓋天下以藝能伎

術見召之所處也學士院者開元二十六年置在翰

林院之南別立東向自建院後韓雄李白之徒並在

院

舊翰林院中假其名而無職至德以後軍國務繁其
入直者並以文詞共掌詔敕自此北翰林院始無學
士之名其後又置東翰林院於金鑾殿之西隨上所
在而遷觀韋執舊史天子在大明宮則翰林院在

右銀臺門內在興慶宮則院在金明門內若在西內
則院在明福門內若東都華清宮皆有待詔之所取
其穩便大抵召入者或一二人或三四人或五六人
洪生碩學頗列其中李肇翰林志院在左右銀臺

門之北入門直西為學士院其北為翰林院漢制尚
書郎主作文書起草更直建禮門內明光殿神仙殿
與此同凡學士無定員皆兼他官充下自校書上至
諸曹尚書皆得為之既入院與班行絕迹亦不拘本

司不繫常參守官三周為滿歲則遷知制誥德宗
雅尚文學乘輿每幸學士院韋綬為學士德宗幸其
宣宗幸顧問賜賚無所不至御膳珍羞輟賜之召對

浴堂門移於金鑾殿續翰林志德宗嘗移對御起草
賦詩習射或旬日不出寶曆二年別置東頭元稹
承旨院記憲宗以永正元年即位始命鄭公綱為之

位在諸學士上居在東第一閣乘輿奉郊廟得乘殿
馬自浴殿由內朝以從揚雞竿布大澤則丹鳳之西

南隅外賓客進見於麟德則止直禁中以俟凡大詔令大廢置丞相之密畫內外之密奏上所注意者莫不專對他人無得而參十七年間由鄭至杜十一人而九參大政積繼居九丞相二名卿之後長慶元年

八月十日元稹又云院密通銀臺每旦問門使勸

微為學士加承旨沈博師為學士穆宗欲命為承旨辭

曰學士院長參天子密議次為宰相自如必不能大中

間杜審權韋澳裴諡令狐綯為學士加承旨乾寧二年七月承旨陸衰相送光院錢後晉天成二年八月敕

掌綸之任擢才以居或自初命而升或自顯秩而授學

士入院以先後為定唯承旨一真不計官資先後在

入翰林志上編韋處厚壁記曰正元中由此居輔弼

者十有二元和中由此膺大用者十有六韋執誼

翰林院舊事學士自建置以來秩序未立庭觀之際

各趨本列洎興元元年始有別敕今朝服班序與諸

司官知制誥例同唐會要大中初敕學士章表徵

學士院新樓記學士之登將相崇顯者十有八九

一續通典學士入院除中書舍人不試餘皆試麻制

荅蕃書批荅詩賦號曰試五題詩倭金鑿密記曰

吳通元傳陸贄建言承平時工藝書畫之派皆待詔

翰林而無學士至德以來命集賢學士入禁中草書

詔待進止於翰林院因以名官唐博至德後召集賢

因在翰林院得今四方無事制書宜歸中書舍人許

崔群傳憲宗詔學士凡奏議待群書乃得上群恐遂為故事固辭錢徽傳憲宗戒有貢獻毋入右銀臺

門以避學士白翰居易院試文五篇柳公權傳穆

宗拜侍書學士文宗復召侍書充翰林書詔學士遷

承旨唐有侍書學士元和十五年三月辛酉柳公權

論謂便殿顧問學士計顧少連傳少子師閔同止翰林

院金坡遺事開元始建此官汜于唐季名氏可尋

者二百一十人文苑英華天寶初李白翰林待詔

因為和蕃書上宣唐鴻猷一篇漢金馬有符詔之

之士黎幹善星緯術待詔翰林韓穎善步李

四五

陽冰李白集序曰天寶中召就金馬降鞞步迎如見

綺皓以七寶牀賜食置千金鑿殿出入翰林中所草

制誥人無知者唐故事學士草制有所改者當罷

職劉禹錫詩銀花垂院榜晉天福五年九月廢

學士院歸中書舍人開運元年六月復置三年賜本

院書詔金印中興書目翰林內誌一卷集章執誼

翰林故事李肇志韋處厚丁居晦杜元穎壁記元稹

記畫表微學士新樓記為一書集者不知名翰林舊

規一卷光化中學士楊鉅雜載學士召試格及書詔

之體宿直假寧之例翰林盛事一卷唐張著撰記儒

臣盛事凡三十有八條。唐志楊鉅翰林學士院舊規

積學士承旨院記丁居晦翰林後記本朝蘇易簡續志李宗誦翰苑雜記錢惟演金坡遺事

唐虞二典商盤周誥之文垂裕萬世炳若日星誦其書考其事想見其人而聖君賢臣之蹟雖相去千百歲後若接於耳目之際者其書存也學士以翰墨之任號儒林極選入則持橐殿中出則扈蹕屬車間平時從容盡聞天子憂憫元元勞心求治之意退而載於制書鼓動天下道人主難喻之意而復誥命于二代之文惟學足以明古人之大體智足以達當世之要務實廉耻之操足以咨諏而不疑討論潤色之才足以付託而無負然後執筆視草發揮帝王之蘊藹然為治世之華藻播之四海九州之遠垂名百世之久而無窮

唐太常四院 禮院 見下 仙韶院

百官志太常寺卿一人少卿二人掌禮樂郊廟社稷之事凡藏大享之器服有四院一曰天府院藏瑞應及伐國所得之寶帑袷袷則陳於廟庭二曰御衣院藏天子祭服三曰樂縣院藏六樂之器四曰神厨院藏御廩及諸器龍朔二年改太常曰奉常寺武后光宅元年改太常寺曰司禮寺

四院外既有禮院又有仙韶院皆屬太常寺以八署

分埋之一曰郊社二太廟三諸陵四太樂五鼓吹六太醫七太卜八太僕九太樂令有別院

文宗開成三年改法曲所處院為仙韶院

周禮天府掌祖廟之守藏與其禁令凡國之玉鎮大

寶器藏焉若有大祭大喪則出而陳之既事藏之

為之先者以傳其所寶為祭為其後者以守其所傳

為善

唐寢殿別院

高宗紀

兼會要

正觀二十年太宗於寢殿側為別院使

太子居之褚遂良諫以為朋友深交者易怨父子滯

愛者多愆宜許太子間還東宮近師傅以廣懿德帝

三十一

三十一

十六

從其言

十五年魏王泰移居武德殿院魏證諫正觀中晉王以文德后最小子不令出閣

唐獻納院

會要垂拱二年用魚保宗言置匭四共為一室以銅

鑄之四面各依方色東曰延恩南曰招諫西曰申寃

北曰通元出以辰前入以未後御史一人為理匭使

其後同為一匭天寶九載改曰獻納院

唐政事院

會要開元元年十二月上召宰臣謂曰從工部侍郎

有得中書侍郎者否對曰任賢用能非臣等所及上

曰蘇頲可除中書侍郎仍令宰臣宣旨移入政事院

便供政事食明日加知制誥。

唐百孫院 十王宅 崇仁禮院 禮會院

紀開元十三年三月甲午徙封慶忠棣榮王封光儀

穎永壽延盛濟王與十三王並領節度十五年傳開

元後皇子幼多居禁內既長詔附苑城為大宮分院

而麴號十王宅會輓先乃天後皇子幼則居內東封後

宅王所謂慶忠棣鄂榮光儀穎永延盛濟等十二王以

十舉全數也中人押之就夾城參天子起居家令日

進膳引詞學士入授書謂之侍讀壽信義陳豐常涼

七王就封亦居十宅鄂光王廢死忠王立為太子慶

棣繼薨惟榮儀十四王居院而府幕列於外坊歲時

通名起居既又諸孫多則於宅外更置百孫院天子

歲幸華清宮又置十王宅百孫院于宮側宮人每宅

四百餘百孫院亦三四十人禁中置維城庫以給諸

王月奉諸孫納妃嫁女就十王宅太子不居東宮處

乘輿所幸別院太子親王公主婚嫁並供帳於崇仁

之禮院此承平制云通鑑綱目開元十五年夏五

月作十王宅百孫院安十王宅在會要開元中置禮

會院於崇仁禮院院在崇仁坊南街開元十九年四

欽 韓愈傳上表曰宣政一見禮賓一設 後周紀

顯德二年十月癸酉幸禮賓院

舊紀憲宗元和四年四月甲申令皇太子居少陽院

會要元和十五年十月發右神策千人於門下省

東少陽院前築墻會昌元年三月敕造靈符應聖院

唐禮部南院 選院

唐尚書省前一坊別有禮部南院即貢院也長安志

曰四方貢舉所會 省南有吏部選院亦曰南院選

人看榜之所也 會要開元二十年八月以考功貢

院地置吏部南院或謂之選院 蘇晉榜選院

年二月戊子禮院奏東宮殿閣名及宮臣姓名與太

子同名者改之 蔣乂傳充太常禮院修撰 高銖

傳博士李愨曰故事禮院不關白太常故卿莅職博

士不參集 會要正元九年四月置禮院脩撰檢討

官各一員

唐禮賓院

會要天寶十三年三月二十七日敕禮賓院令鴻臚

寺檢校大曆二年三月己卯宴吐蕃使于禮賓院元

和九年六月乙未置禮賓院於長興里之北大中五

年五月論恐熱入朝遣左丞李景遜就禮賓院問所

欽 韓愈傳上表曰宣政一見禮賓一設 後周紀

顯德二年十月癸酉幸禮賓院

舊紀 憲宗元和四年四月甲申令皇太子居少陽院

會要元和十五年十月發右神策千人於門下省

東少陽院前築墻會昌元年三月敕造靈符應聖院

唐禮部南院 選院

唐尚書省前一坊別有禮部南院即貢院也長安志

曰四方貢舉所會 省南有吏部選院亦曰南院選

人看榜之所也 會要開元二十年八月以考功貢

院地置吏部南院或謂之選院 蘇晉榜選院

三百十

三五六二二二

元

唐御史三院

見官制 書目御史臺三院因話錄一卷咸通中御

史盧駢論訂三院稱謂官曹儀式百官坐次之制大

和中舒元輿為臺屬所撰御史臺新造中書南院記

併載于此

唐諫院

舊紀大和九年十二月辛卯置諫院印諫院舊無印

有章疏各於本司請印人多知之至是特敕置印兼

詔諫臣論事有關機密別以狀列之 古者諫無官

自公卿大夫至于工商無不得諫漢始置官

唐通元院

官志肅宗乾元元年詔司天臺置通元院以藝學召

至京師者居之韓穎等建議置

唐書人院

書表傳政事堂北門宰相過中書書人院咨訪政事

唐圖譜院

見玉牒

唐宣徽院

正元選樂工三十餘人號宣徽院長入供奉元和八年四月乙未罷宣徽院樂人所假官第寶曆中

以毬工籍宣徽院宣宗時嚴季寔為北院副使

天祐二年樞密使及宣徽南院北院並停吏歸中書

嚴遵美曰樞密使無聽事惟三楹舍藏書而已今堂狀帖黃決事此楊復恭奪宰相權之失

唐待漏院宋朝附

憲宗元和中方置待漏院於朝門外令百官朝以避

風霜舊史元和二年六月丁巳朔置百官初入待

漏院於建福門外候禁門啓入朝故事建福望仙等

門昏閉五更啓建福門在大明宮丹鳳門西與諸坊門

同時至德中有吐蕃囚自金吾仗亡命因敕晚開門

宰相待漏于太僕寺車坊至是始令有司各據班品
置院於建福門外 **會要**天和七年正月戶部侍郎
庾敬休奏當司未有待漏院今請於鹽鐵度支待漏
院側創造 皇朝設待漏院于丹鳳門之右示勤政
也王元之作記 紹興二年八月癸卯初置寔執已
下待漏院於行宮南門之外
會要長慶元年八月於中書南置僕射祗候院大和
四年三月於門下直省院西京兆尹院東置三院御
中祗候院

唐參酌院

刑法志穆宗謹用刑每有司斷大獄令中書舍人一
人參酌而輕重之號參酌院大理少卿崔杞奏罷

唐南北供軍院

食貨志穆宗時幽鎮兩鎮用兵置南北供軍院行營
軍十五萬饋運不能給長慶率三戶奉一兵 **開成**初
王彥威上供軍圖用兵上黨以盧商為戶侍兼供軍

使

吳武陵傳長慶初竇易直判度支表置和糴貯

備使擇郎中為之武陵諫曰西北邊院官皆御史貞
郎為之何必增吏不納 **會要**元和十三年七月王
遂為淄青行營供軍使

唐清思院

薛廷老傳寶曆中造清思院用銅鑑三千薄金十萬

餅舊紀敬宗寶曆元年閏七月一作乙亥詔度支進

銅三十斤鏡一作銅金薄一作五十萬脩清思院新殿及

升陽殿德殿一作陽圖障

唐起草院

李德裕傳所居安邑里第有院曰起草亭曰精思計
大事則處其中

宋朝樞密院

陳繹西府記唐初典兵禁中以機密名官正觀十六年

專典機密二十三開元中設堂後五房而機密自為

一司其職祕獨宰相得知續事始云永泰中置內樞

正元後以中官分領神策而樞密之職歸比司然寄

治省寺庶下延英會議則屏立殿西中尉樞密使皆

得帖黃除吏唐末除此司并南北軍于樞密遂總天

下之兵會要唐以中官二人為使梁改為崇政院

置使判官後置副使後唐復為樞密使詳臣郭崇始

有帶相印者院凡東西負晉天福四年四月廢院中書

宰相開運元年六月復置詳兼使周顯德末魏仁浦

吳廷祚為使宰相范質王溥參知院事國朝以樞

密院與中書對持文武二柄號為二府建隆元年趙普為副使三年十月普檢校少保充使不帶正官自普始開寶九年二月曹彬為使領忠武節帶節度自此始興國四年正月癸巳石熙載僉書院事始有僉書之名六年九月熙載為戶部尚書充使始用文資正官淳化二年九月張遜知院溫仲舒同知院晉天福中使兼使相天禧四年曹韋以僉書兼藩鎮康定元年三月癸未詔中書別置廳于樞密院之南與樞臣議邊事慶曆二年富弼建議宰相兼樞密使七月戊午

三十一

十一

三

以宰臣呂夷簡判院事章得象兼使議者以二府體均判總之名太重九月丙午夷簡改兼使五年十月庚辰以邊事寧罷宰臣兼使治平三年四月始以郭逵為同僉書院事建炎四年六月甲戌宰相范宗尹兼知院事紹興七年正月乙酉張浚以右僕射兼使九月趙鼎以左僕射兼使二十六年三月十三日云五月寅詔以邊事已定依祖宗故事不兼領紹興五年乙卯兼命樞密院事沈與三十二年十二月五日丁卯孝宗復詔宰臣陳康伯兼使制云考藝祖仁宗之宏規遵建炎紹興之聖政肆令東府何堯西樞

舊制置

院

知院則副使改同知院置使則復改副使熙寧元年
文彥博呂公弼為使韓絳邵亢為副陳升之三至樞
府上欲稍異其禮以為知院事於是知院與使副並
置元豐四年改官制議者欲廢歸兵部上曰祖宗不
以兵枋歸有司故專命官統之於是不廢上以樞密
職聯輔弼非出使之官十一月甲辰乃定置知院同
知院二人專以邊機兵政為職遷官府于中書省之
西凡分房十曰北面河西支差在京教閱廣西兵籍
民兵吏房知雜凡官四知院同知院都副承旨各一
人都承旨自興國七年四月甲子揚守一始文臣兼
領始於熙寧五年七月二十五日曾孝寬熙寧

四年十月五日以編脩經武要畧官王存等四人檢
詳諸房文字建炎四年置計議官紹興十一年省

紹興七年正月二十三日詔依故事置使副元祐初

書院事請康初李回拜延康熙學士僉書延康今為
端明遂為故事建炎元年六月二十一日李綱於
院置賞功司四年六月甲午罷機速房慶曆五年

陳執中言有唐別命樞臣專主兵務五代始令相輔
亦帶使名至於國初尚沿舊制乾德以後其職遂分

是年詔宰臣免兼樞密使
凡郡國機要依舊同商議

漢張安世領尚書事職典樞機 宋泰始中王景文

為中書令兼管內樞此其始也唐以宦官一人為樞

密使出納帝命後置二人梁開平元年五月改為崇

院

政院後唐同光元年十月復為樞密院始用郭崇韜
分中書兵房置院分秉朝政自此始崇韜以宰臣兼
使又置院使一人然權侷宰相矣五代多以武臣領
使宰臣知院事皇朝文武參用

宋朝學士院

兩朝志承旨不常置以院中久次者一人充學士六
負掌大詔命凡大除拜晚漏上天子御內東門小殿
遣內侍召學士賜對親諭祕旨對訖鎖院門夜漏盡

進制遲明白麻出

直學士院自開寶二年十一月戊辰

六年四月張澹始翰林權直自導熙五年九月端詩始太

平興國中呂文冲為翰林侍讀寓直御書院咸平二

年七月丙午以楊徽之夏侯嶠為翰林侍讀學士邢

昺侍講學士先是侍講名秩未崇真宗首置此職班

次翰林學士設直廬於祕閣侍讀更直侍講長上

四年外使以其後馮光為翰林侍講三年張知白以侍讀

學士外使為侍講高若訥為侍讀不加別名趙彥若中

馬宗元為學士名元祐七年復之凡他官未除學士謂

林字及學士名元祐七年復之凡他官未除學士謂

興後唯紹興六年院在宣徽院北之直院暫除學士謂

之權直開寶二年十一月戊辰興國中書舍人李昉

知制詔盧多遜分直翰林院與國元年十一月李昉

亥以湯悅徐鉉直翰林院書院唐有侍書學士

侍讀侍講春秋二時開延義通英閣則執經史常日

侍奉備顧問。晉天福五年九月，詔廢翰林學士。按

唐六典歸其職於中書舍人。桑維翰復奏置學士學士領外

司。自淳化二年閏二月賈黃中等始故事學士六員

至和元年九月王洙為第七員學士二員分直有大

除拜過二制而上則併召二員謂之雙宣。一云麻詞

雙鎖命並直官制遵唐舊典不改者獨學士院而已。

元豐三年八月丙申詔於尚書省樞密院用諮報國

初久為學士官至八坐已罷職或再來直院神宗改

官制後中丞并權六曹尚書若兼內制亦止云直學

士院中興初詹又為龍圖學士猶曰權直院如正侍

三五二二二二

郎已下多帶兼權汪藻等是也。厥後程克俊等初以

給舍兼權稍久乃落權字以為恩數。至正尚書則帶

兼權學士胡文修等是也。紹興五年脩學士院淳熙

宗乾道三年洪邁奏請自庶官遷侍從正兼直院淳

熙五年十二月周必大自翰林遷禮書乃正兼學士

六年十一月遷吏書升兼學士承旨隆興初用真宗

故事輪講筵學士院官直宿禁林每夕兩員以備宣

引咨訪後止命一員遞宿學士院舊號北門今在行

宮和寧門內蓋沿北門之制地迫皇城極窄隘院官

二員分東西兩閣中曰摘文堂蓋在京徽宗因廣直

廬御書賜承旨強淵明今乃汪藻所篆高宗嘗書玉
堂二字賜學士周麟之刻石廳上舊學士院在樞
密院之後玉堂本以待乘輿行幸非學士所得常居
唯禮上之日略坐其東故事雙日鎖院隻日降麻天
聖元年詔隻日出宿五年中書言恐宣召不即至詔
依祥符五年故事常一員在院至和元年詔當宿學
士請告者令以次遞宿翰林學士院印景德二年
少府監鑄蘇易簡翰林志今二京學士院並在樞
密宣徽院之北蓋表其深嚴宥密焉沈括筆談學
士院玉堂太宗嘗親幸唯學士上日許正坐故事堂

三七

二五

上二

中設視草臺每草制則具衣冠據臺而坐今不復然

唐有視草亭

錢惟演金坡遺事三卷序建隆庚申泊天

聖丙寅四十七人合唐五代三百一十五人

建隆元年承旨一人陶穀學士三人竇儼王著李昉

天子之書其別有四曰冊制詔敕起草進畫職在
內史密命中出起唐北門

宋朝宣徽院

唐置南北院使國朝沿唐制以檢校官為之或領節
度及兩使留後闕則樞密副使一人兼領二使亦有
兼樞副簽樞者有兵騎公使四案開寶四年七月戊

午詔內侍養子宣徽院置籍九年二月以山南東道
節度潘美充北院使節度領宣徽自此始八月以樞
副楚昭輔權南院自後使闕多樞密使副兼之慶曆
八年三月李昭亮自殿前副都指揮使遷北院使皇
祐三年二年云九月著令母過二負後富弼以使判并
州已有二負詔以邊任權增熙寧三年郭逵王拱辰
在院用弼例以歐陽脩為南院使脩辭四年詔位參
政樞副之下九年五月拱辰請編脩條例六月命何
洵直為編脩官十年八月成條例并目二十五冊元
豐改制四年十一月二十一日癸卯罷院而使猶存

六年三月拱辰除安武節度使自使不復除元祐三
年十月戊戌二十三日復置薛北院使視簽樞紹聖三年
四月辛酉罷

淳化中王延德等三人為昭宣使五年王繼恩平蜀
寇中書議以為宣徽使上曰執政之漸也朕不欲令
宦官與政八月甲午以為宣政使序昭宣使之名命

祥符元年十二月甲辰置宣慶使以罷李神福
王延德事二祖御筆題昭宣使授之

宋朝四書院

祖宗尊右儒術分之官書命之祿秩錫之扁榜以寵

經之。宋有戚氏吳有胡氏魯有孫石二氏各以道
德爲人師。漢初郡國往往有夫子廟而無校官且
不置博士弟子負其學士嘗課試供養與否闕不見
傳記然諸儒以明經教於其鄉率從之者數百人輒
以名其家齊魯燕趙之間詩書禮易春秋論語家名
甚盛則今書院近之矣前代庠序之教不脩士病無
所於學相與擇勝地立精舍爲群居講習之所爲政
者就褒表之若嶽麓白鹿洞之類是也逮本朝慶曆
熙寧之盛學校之官遂徧天下。

白鹿洞書院

唐李渤與兄涉俱隱白鹿洞後爲江州刺史即洞創
臺榭南唐昇元中因洞建學館置田以給諸生學者
大集以李善道爲洞主掌教授當時謂之白鹿國庠
宋朝太平興國二年三月庚寅知江州周述言廬
山白鹿洞學徒數千百人請賜九經書肄習詔從其
請仍驛送之五年六月己亥以白鹿洞主明起爲褒
信主簿賜陳裕三傳出身起裕以講學爲業故有是命咸平五年
敕有司重脩繕又塑宣聖十哲之象祥符初直史館
孫冕請以爲歸老之地皇祐五年其子琛即故址爲
學館十間榜曰白鹿洞之書堂俾子弟居而學焉郭

祥正爲記淳熙六年南康守朱熹重建爲賦示學者
曰明誠其兩進抑敬義其偕立允華摯之所懷謹卷
顏之攸執呂祖謙爲記八年十一月二十九日賜國
子監經書

至道三年八月南康達昌縣洪文撫於所居雷湖北
創書舍集學者太宗飛白一軸曰義居人以賜之
江州陳氏義居至道初遣內侍裴愈就賜御書 又
以百軸賜文撫家

嶽麓書院

開寶九年潭州守朱洞始創宇於嶽麓山抱黃洞下

以待四方學者作講堂五間齋序五十二間孫邁爲
記咸平一年潭守李允則益崇大其規模三年王元
之爲記曰西京首述文翁東觀先書曰衛颯其理蜀郡
教桂陽率以庠序爲先云云中開講堂揭以書樓塑
先師十哲之象畫七十二賢瀟湘爲洙泗荆蠻爲鄒
魯四年三月二十日辛卯允則奏嶽麓山書院修廣
舍宇生徒六十餘人請下國子監賜諸經釋文義疏
史記玉篇唐韻從之祥符五年山長周式請於太守
劉師道廣其居譚綺爲記式以行議著八年召見便
殿拜國子主簿使歸教授始詔因舊名賜額仍增給

中秘書於是書院之稱聞天下乾道元年帥臣劉琪重
建齋為四定養士額二十人二年十一月張栻為之記
淳熙十五年帥臣潘時廣二齋益額十人陳傅良為
記淳祐六年賜御書嶽麓書院四字揭之中門書
院南風雲亭之下別建湘西精舍

開禧中建南嶽書院于廟側寶慶中遷于集賢峰下
以監廟兼山長衡州石鼓山有書院起唐元和中
州人李寬所為國初嘗賜敕額淳熙十三年部使者
潘時因舊址列屋數間榜以故額采石水益廣之木
燹為記

應天府書院

祥符二年二月二十四日庚戌詔應天府新建書院
以曹誠為助教國初有戚同文者通五經業聰徒百
餘人許驥宗度郭承範董循陳象輿王礪滕涉皆其
門人至是誠即同文舊居建學舍百五十間聚書千
五百餘卷願以學舍入官令同文孫舜賓主之故有
是命并賜院額天聖三年應天府增解額三人六年
九月吳殊言請以王洙充書院說書從之明道二年
十月乙未置講授官一員景祐二年十一月辛巳朔
以書院為府學給田十頃范仲淹南京書院題名

記皇宗功揭日月澤注河漢金革塵積弦誦風布睢陽先生同文貫于丘園教育為樂祥符中曹氏請以金三百萬建學于先生之廬以舜賓幹其裕王濟堂其教張吉甫領其網密學綸畫一而上真宗嘉歎面可其奏盛度文其記陳堯佐題其榜章甫如星逢掖如雲聚學為海濚詞為鋒二十年間儀羽臺閣蓋翩翾焉

嵩陽書院

至道二年七月甲辰賜院額及印本九經書院
三年四月癸亥賜太室書院九經景祐二年九月十

五日己丑西京

河南

重修太室書院

書院為額 又至道三年五月戊辰河南斥言...
降書院講堂

國初斯民新脫五季鋒鏑之厄學者尚寡海內向平文風日起儒老往往依山林即間曠以講授大率多至數十百人嵩陽嶽麓睢陽及白鹿洞為尤著天下所謂四書院者也

宋朝天文院

見天文

玉海卷第一百六十七



